

يوم غير عادي | الشیخ محمد خیری | #اللقاء_الأسبوعی

محمد خيري

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واسهـد ان لا اله الا الله وحده لا شريك له واسهـد ان محمدا عبده ورسوله. وبعد فاسـأل الله سبحانه وتعالـى ان يرزقنا واياكم العلم - 00:00:00

النافع والعمل الصالح واسـأل الله سبحانه وتعالـى ان يأخذ بقلوبنا اخذ الكرام اليه ويوفقنا واياكم لحسن الوفادة اليه في امن وامان وسلم واسـلام. واسـأل الله ان يثبتـنا على التوحيد حتى نلقاء - 00:00:23

وابـاع النبي صـلـى الله عـلـيـه وسلم ومحـبة آآ عنـون لـهـذا اللـقاء بـهـذه الـاـمـسـيـة التـي اـسـأـل الله سـبـحـانـه وـتـعـالـى ان يـكـتـبـ فـيـها القـبـولـ وـما يـنـفـعـ القـلـوبـ يومـ غـيرـ عـادـيـ بيـومـ غـيرـ عـادـيـ 00:00:42

بنسمع كـتـيرـ تـقـولـ لـوـاحـدـ اـخـبـارـكـ طـمـنـيـ عـاـمـلـ ايـهـ النـهـارـدـةـ فـيـ جـدـيدـ عـنـدـكـ؟ـ يـقـولـ لـكـ لـاـ عـادـيـ.ـ مـشـ جـدـيدـ عـمـلـتـ ايـهـ النـهـارـدـةـ؟ـ يـقـولـ لـكـ وـالـلـهـ ماـ كـانـشـ فـيـ حـاجـةـ.ـ كـانـ يـوـمـ عـادـيـ النـهـارـدـةـ صـحـيـتـ وـبـعـدـيـنـ رـحـتـ مـشـ عـاـرـفـ الجـامـعـةـ رـحـتـ الشـغـلـ وـبـعـدـيـنـ رـحـتـ زـرـتـ وـالـدـيـ جـيـتـ مـشـ عـاـرـفـ ايـهـ جـيـتـ 00:01:04

لـلـطـلـبـاتـ وـاـنـاـ جـاـيـ وـعـادـيـ وـنـمـنـاـ عـادـيـ اـسـأـلـ وـحـدـةـ بـتـرـوـحـ الجـامـعـةـ ايـهـ الـاـخـبـارـ؟ـ وـالـلـهـ يـاـ مـاـمـاـ عـادـيـ يـعـنـيـ زـيـ كـلـ مـرـةـ رـحـتـ الجـامـعـةـ وـرـكـبـتـ الـعـرـبـيـةـ وـحـضـارـةـ السـكـاـشـنـ وـحـضـارـةـ الـمـحـاضـرـاتـ وـقـابـلـتـ زـمـاـيـلـيـ وـاتـغـدـيـنـاـ وـجـيـنـاـ وـكـانـ يـوـمـ عـادـيـ 00:01:25

الـعـادـيـ دـهـ هـوـ حـقـيقـتـهـ مـشـ عـادـيـ بـسـ اـنـتـ شـايـفـهـ عـادـيـ اـنـتـ شـايـفـهـ عـادـيـ لـاـنـ الفـنـعـمـةـ اـنـسـاكـ الـفـنـعـمـةـ الـاـلـفـ اـنـسـاكـ الـاـلـفـ اـنـكـ يـكـونـ بـيـنـكـ وـبـيـنـهـ الـفـ وـمـحـبةـ وـمـوـدـةـ الـيـوـمـ عـادـيـ الـلـيـ اـنـتـ صـحـيـتـ فـيـهـ وـنـمـتـ فـيـهـ 00:01:46

الـنـبـيـ صـلـىـ اللهـ عـلـيـهـ وـسـلـمـ بـيـقـولـ لـكـ فـيـ نـاسـ كـتـيرـ مـشـ شـايـفـيـنـ عـادـيـ دـهـ وـمـحـرـومـيـنـ مـنـ عـادـيـ مـنـ اـصـبـحـ مـنـکـ اـمـنـاـ فـيـ سـرـبـهـ.ـ اـمـنـ وـسـطـ عـشـيرـتـهـ وـسـطـ اـهـلـهـ اـمـنـ عـنـدـهـ اـمـانـ 00:02:13

فـيـ نـاسـ النـهـارـدـةـ قـرـأـتـ خـبـرـ لـوـاحـدـ كـانـ هـارـبـ فـيـ الصـيـنـ آآ مـنـ سـنـةـ اـتـيـنـ وـتـمـانـيـنـ اـعـمـالـ مشـكـلـةـ خـبـرـ دـهـ نـشـرـ اـمـسـ اوـ اـوـلـ اـمـسـ الرـاجـلـ دـهـ عـمـلـ مشـكـلـةـ فـهـرـبـ وـغـيرـ اـسـمـهـ 00:02:32

فـزـلـ اـرـبعـينـ سـنـةـ مـاـ حـدـشـ عـارـفـ هـوـ ايـهـ مـكـانـهـ آآ اـتـمـسـكـ الـاـسـبـوـعـ دـهـ تـقـرـيـباـ.ـ فـمـنـ ضـمـنـ الـكـلـامـ الـلـيـ قـالـ ايـهـ قـالـ اـنـاـ فـيـ الـاـرـبعـينـ سـنـةـ دـيـ رـغـمـ اـنـ اـنـاـ مـغـيـرـ اـسـمـيـ وـكـلـ حـاجـةـ بـسـ مـاـ كـنـتـشـ عـارـفـ اـعـيـشـ يـوـمـ وـاحـدـ بـاـمـانـ 00:02:55

طـوـلـ مـاـ اـنـاـ مـاـشـيـ فـيـ الشـارـعـ قـاـدـ اـمـالـ التـفـتـ يـمـينـ وـشـمـالـ اـبـصـ اـشـوـفـ يـاـ تـرـىـ فـيـ حـدـ يـتـبـعـنـيـ وـلـاـ؟ـ اـسـمـعـ اـيـ سـرـيـنـةـ شـرـطـةـ كـنـتـ اـرـتـبـ اـشـوـفـ زـابـطـ اـرـتـابـ اـشـوـفـ حـدـ مـنـ الـجـهـاتـ الـاـمـنـيـةـ مـاـشـيـ هـيـكـوـنـ عـنـدـيـ رـعـبـ 00:03:18

لـيـهـ؟ـ هـوـ لـيـسـ آـمـنـ فـيـ سـرـبـهـ فـيـ نـاسـ بـيـتـنـامـ عـلـىـ اـزـيـزـ الطـائـرـاتـ وـفـيـ نـاسـ تـلـتـحـفـ السـمـاءـ وـفـيـ نـاسـ تـنـامـ عـلـىـ الـعـبـرـاءـ فـرـشـهـاـ التـرـابـ وـتـلـتـحـفـ بـالـسـمـاءـ فـيـ نـاسـ فـيـ الـوـقـتـ الـلـيـ اـنـاـ بـدـيـ فـيـهـ الدـرـسـ دـهـ 00:03:40

حاـوـلـ يـفـرـ بـدـيـنـهـ وـدـنـيـاهـ بـلـجـجـ الـبـحـارـ وـجـنـ عـلـيـهـ الـلـيلـ الـاـنـ وـالـاـمـواـجـ تـرـبـعـهـ وـيـخـشـيـ مـنـ الغـرـقـ فـيـ نـاسـ الـلـيـ اـحـنـاـ بـنـسـعـ عـنـهـمـ كـلـ شـوـيـةـ يـقـولـ لـكـ دـهـ فـيـ مـشـ عـارـفـ مـيـنـ كـانـواـ مـهـاـجـرـيـنـ وـنـاسـ غـرـقـواـ 00:04:01

الـنـاسـ الـلـيـ بـيـكـوـنـواـ مـهـاـجـرـيـنـ هـجـرـةـ غـيرـ شـرـعـيـةـ وـالـكـلـامـ الـلـيـ اـنـتـ بـتـسـمـعـوـهـ عـنـ الـبـيـئـاتـ الـلـيـ بـيـكـوـنـ فـيـهـ الـكـوـارـسـ وـالـطـرـدـ وـالـكـلـامـ دـهـ فـدـهـ مـشـ حـاسـسـ بـالـاـمـانـ فـيـ سـرـبـهـ الـلـيـ هـوـ عـادـيـ عـنـدـكـ.ـ اـنـتـ عـاـيـشـ بـاـمـانـ وـاـمـانـ 00:04:23

فـيـ وـاحـدـ مـطـلـوبـ وـهـوـ مـلـزـومـ فـمـشـ عـارـفـ يـعـيـشـ بـالـاـمـانـ اـنـتـ اـمـنـ فـيـ سـرـكـ فـمـنـ اـصـبـحـ مـنـکـ اـمـنـاـ فـيـ سـرـبـهـ مـعـافـيـ فـيـ جـسـدـهـ جـسـمـكـ تـمـامـ؟ـ اـهـ عـادـيـ جـداـ.ـ رـايـحـ تـصـلـيـ الـفـجـرـ رـايـحـ شـغـلـكـ.ـ الـدـنـيـاـ جـمـيـلـةـ وـمـاـشـيـ 00:04:40

وتقضي حاجتك. ياه يعني قالها بعفوية كده انك مجرد بس تعمل الحاجة دي ده موضوع مش سهل الله سبحانه وتعالى هو الذي اعطاك وهو الذي ارشدك انا سبحان الله طول - 00:10:46

مهما كنت اسمع او كنت اسأل عنه الاخبار كل اللي كان شاغلني حاجة واحدة بقول الاخ ده لو عاوز حاجة هيقول ايه؟ بيعبر عنها ازاي؟ فبسأل المقرب منه قال لي دي اصعب حاجة في الوجود - 00:11:05

حاليا انك ما تعرفش اللي قدامك عاوز ايه نبيت اللي هيكتب بايده لان ايده خلاص فقدت التحرك ولا هيكتب برجله ولا هيشاور بعينه ولا هيتكلم بلسانه طيب عاوزك يقول لك مسلا - 00:11:25

انا عاوز اهرش هتلقطها ازاي دي بقى اللعن الشراب هتقولها هيقولها لك ازاي طب ده بقى ايه؟ سبحان الله ده يوم عادي عندك تعمل الحاجات دي كلها في واحد بلاد ما - 00:11:48

وظلم ودخل السجن فترة فكان كاتب مقال من الحاجات اللي شدتنى في المقال ده بيقول ايه بيقول ان في نعم لا ينتبه لها الناس ايه من ضمن النعم؟ طبعا انا عارف بقى ان هو هيقول نعمة انك مش عارف تعمل ايه ونعمل ايه فانا مستنى ان هي عدد النعم اللي انت عارفها - 00:12:15

فاذا هو يقول نعمة ما خطرت لي على بال ايه هي النعمة يقول ان النعمة انك عما تصحي من النوم تنزل من على السرير وتتحرك هل النعمة دي احنا كنا محروميين منها. انك تصحي من النوم اتدنك في المكان اللي انت نائم فيه - 00:12:40

قال انا كنت بصحي من النوم عادي اطلع اقعد في الصالة شوية ابص في البلكونة او بعددين ادخل الحمام وبعددين الجل شوية دخول الحمام واقعد انا افرك في عيني كده وانتطى ومش عارف ايه - 00:13:04

وغير السرير للكتبة ومن الكتبة للصالوة فوجئت ان دي ما كانتش موجودة فقلت يا على النعم ده موضوع كبير اوكي كنت اتكلم مع اخونا أخينا الدكتور ده نسأل الله سبحانه وتعالى ان - 00:13:17

وسلم قلبه ويشفى جسده بقول له ايه اكتر حاجة خرجت فيها اياك الاستفادة استفادتها؟ قال لي نعمة التفكير لان حواسى وقفت فلم يبقى الا عقلي بنعمة التفكير. وببص في كل حاجة حواليا - 00:13:36

وانتم بتتكلموا انا يعني على قطة لسة معدية وانت بتتكلموا لمحت وردة كده لونها جميل فقاعدة عمال اتفكر في بديع صنعها بيقول سبحان الله اعطاني نعمة التفكير وما ذقت مثلها التأمل والتفكير والصمت - 00:13:58

فالدكتورة شيماء دي بتقول انا قابلت ناس كتير قابلت اللي امنيتها ان هي كانت تدخل الحمام لوحدها وآقابلت اللي كان عنده ضمور في العضلات وخلاص رجليه ما بقاتش شایلاه - 00:14:22

انا اعرف حد بيغسل كلی من الحاجات الصعبة جدا عليه وهو نازل من السلم ان انت تساعده فساعدك يا عم ويرفض لا لا لا عشان ما يحسش ان هو ايه ضعيف - 00:14:40

درجة السلم انت ممكن تجري على السلم اما تلقي زوجن جه ببابك جه اخوك جه في ريحانة زمايلك تحت فبتمدي السوق بسرعة كده آآ ان هو ينزل من درجة لدرجة او يصعد من درجة لدرجة ممكن تاخذ تلات دقائق - 00:14:57

دققتين ثلاثة كده عشان ايه؟ يغير من درجة لدرجة شفتها دي قبل كده؟ هي عادي عندك. لكن هي مش عادي عندي. ناس تانية بتقول الدكتورة دي انا قابلت الاخ اللي كانت عاوزة تروح مصلحة ضرورية كانت بتندادي من الشباك بتاع بيتها على اربعة من اصحاب المحلات. يا فلان يا فلان يا فلان - 00:15:14

عشان ايه بقى؟ عشان يطلعوا لها بكرسي ينزلوها ويركبوا وتركب التاكسي. ولما تنزل تروح للمصلحة اللي هي رايحاها تطلب من المارة ان يشوفوا لها كرسي ويشيلوها ويطلعوها لمصلحة ياه وبنقول قابلت اللي فقدت عقلها بعد ما خلفت عشر عيال خمسة مبصرين وخمسة - 00:15:42

مكفوفين قابلت اللي عيالها واحد ورا الثاني كانت بتفقدتهم قدام عنهم وقلبها محصور كان عندها سبع اطفال سبحان الله وبنقول انا قابلت اللي خلفت ولد سليم وبعد كده حصل سقط خمستاشر مرة - 00:16:07

طيب والولد السليم حصل له ايه؟ وقع على راسه جا له شلل رباعي وبقى طول بعرض شقيانة في شيله وحاطه وبتقول قابلت اللي
ابنها عنده نقص في انزيم مجرد انزيم مركب كيميائي عادي خالص - 00:16:38

خلى عملية الهضم والتمسيل الغزائي فيها اضطراب وحياتهن اتحولت للام ومرض وبكاء وسهر وبتقول انا قابلت اللي قضت في
المستشفيات اكثر من اللي قضته في بيتها من يوم ما وقعت على الدنيا - 00:16:59

بتقول هي قعدت واحد واربعين سنة في المستشفى بتقولها يعني ايه ان دي قايمة المفترض كلنا نكتبه يا جماعة الكلام اللي انا بقوله
دي والمواقف دي اكتبوا القايمة دي وحطوها - 00:17:20

كل عام تلاقو ان الدنيا قفلت معكم تعملوا ايه؟ طلعي القاية كل اما تلاقي الدنيا داعت واتخنت وبدأت تفكري في جدول اشياء وان
ما فيش فايده الحل ان احنا نموت ننتحر - 00:17:38

وقادع امال تبكي على النعم المفقودة بحساباتك البشرية القاصرة تعطي ايه على طول فوق لنفسك كده وابدأي حركي اصابعك كده
وقولي ما شاء الله ده انا بحرك صوابعي فانا بسمع دا انا بقرأ - 00:17:56

وابدأي تاملی بقى لان التفكير في النعم من اجل علاج الاكتئاب انا في يوم من الايام بعد رمضان اللي فات آآ عندي اشكال كده في
الحلق والزور فالدكتور قال لي انت تحتاج ما تتكلمش لمدة شهر - 00:18:16

تتكلم بالراحة جدا وقلت له طيب لو انا كملت؟ قال لي الصوت هيروح فقلت سبحان الله انك ممكن تصحي من النوم تلاقي
الصوت قطع فسبحان الله مرة واحدة ما تلاقيش صوت - 00:18:41

آآ التفكير في النعم ده حاجة كبيرة قوي لانه علاج الاكتئاب كتير قوي عشان كده الله سبحانه وتعالى يا جماعة قال لنا اذكروا نعمة الله
عليكم ذكر النعم ده مطلب شرعي - 00:19:04

مش حاجة كده مطلب شرعي ويلخص كل الدورات والكتب بتاعة الايجابية واللي مش عارف الايه والقصص دي كلها مطلب شرعي
لابد انك تتحققه بيكون بالقلب استحضار وانك تنسب النعمة للمنعم - 00:19:25

وانك تتكلم بلسانك فحدس وابنك تقوم بجوارحك فيما تقتضيه هذه النعم ربنا قال لنا كده اذكروا نعم. لان النعم قد تزول بالجحود
والنسيان والكفران صح الله سبحانه وتعالى حتى في الحاجات البسيطة - 00:19:46

الذي خلق الازواج كلها وجعل لكم من الفلك والانعام ما ترکبون. تستوي على ضرر ثم تذكروا نعمة ربكم طب انتي اما تركبي العربية
وانني رايحة الجامعة رايحة الشغل مدركة ان دي نعمة - 00:20:06

ربنا خطب عيسى لما قال له وهونبي من الانبياء عليه السلام وعزمي من اولى العزم اذكر نعمتي عليك وعلى والدتك ان ايدتك ياه لو
ربنا بيخاطبك الان وهيقول لك اذكري نعمتي عليك. كملي انت بقى - 00:20:22

دوسي بقى وقولي اذ سترتي واذ انتشتلتني مما لو علمه الناس لعابني الكل ولذلك كم ذكر الله بنى اسرائيل وهم ناس من اهل
الاصطفاء انهم يذكروا نعمة الله وكان خاطب الله سبحانه وتعالى اهل الايمان - 00:20:49

انه يذكرون نعمة الله عليكم يا سلام! ولذلك الانبياء الباب ده ركزوا جدا فيه حد الاقوام انهم يذكروا نعم الرحمن
هود صلى الله عليه وسلم بيقول ايه؟ واذكروا اذ جعلكم خلفاء من بعد قوم نوح وزادكم في الخلق بسطة فاذكروا الاء الله -
00:21:11

ياه كل الانبياء مشغولين ان اقوامهم ياخدوا بالهم من الكلام ده صالح صلى الله عليه وسلم بيقول واذكروا اذ جعلكم خلفاء من بعد
عاد وبواكم في الارض تتخدون من سهولها قصورها قصورا وتنتحتون الجبال بيوتا وبعد - 00:21:38

اذكروا الاء الله يا سلام وقال شعيب صلى الله عليه وسلم اذكروا اذ كنتم قليلا فكتركم. انتم كنتم خمسين تلاتين اخت في الحلة
بقيتم كتير كنتم عشرين واحدة كده بتشرفو على عمل خير بقيتم كتير - 00:21:58

اذكروا اذ كنتم قليلا فكتركم. انت كت انت وزوجك وتقولي يا رب نرزق اي حاجة. رزقك تؤام. قاعدة تقول ايه تؤام ومصدعيوني
سبحان الله سيدنا موسى بيقول لقومه اذكروا نعمة الله عليكم اذ انجاكم - 00:22:16

ومرة يقول لهم جعل فيكم انبياء وهكذا فذكر النعم يا جماعة مهم او اي او اي. حتى وانت بتذكر النعمة نعمة والله. لانك بتحمد ربنا مش دي نعمة لك الحمد مولانا على كل نعمة. ومن جملة النعماء قوله لك الحمد - 00:22:35

اصلا من الحمل اللي انا بقوله لك الحمد سبحان الله ابو بكر المزنبي بيقول كلمة جميلة قوي بيقول اذا اردت ان تعلم فاعلم قدر ما انعم الله عليك فاغمض عينيك. بس - 00:22:54

الجماعة بتوعية التربية ومش عارف ايه فجايدين يقول لك ايه دلوقتي خل غم ابنك وخليه يمشي. شف ابو بكر المزنبي سابق الدنيا كلها. بيقول لهم يا جماعة غمي عينك وامش كده - 00:23:14

بعد المحاضرة اعملوا التمرين ده كلكم كاسرة كله يغفي عينه وكل واحد لمدة ربع ساعة يتصرف هتضحكوا وتهزروا بس هتعرفوا نعمة يعني ايه عينك تبقى مفتوحة وشایف جربوا جربوا كده افصلوا النور - 00:23:27

اعلن ليه؟ عن الشقة وكله يسلم اي موبايل ولا حاجة. عيشوا ربع ساعة كده وامشوا واتحرکوا نعمة الهرش سهلة انك تهرش دي. دي سهلة صح؟ مم لا مش سهلة عبدالله با نعمة - 00:23:47

كانوا واضعين في الانبوب بتاع التغذية ده عافانا الله واياكم وكان طبعا هو مشلول شلل رباعي. وان كان قلبه محلق. تحليق رباعي ودفع رباعي نحسبه الله حسيبه مكان في المستشفى - 00:24:11

والدته تقدع معه تمن تسع ساعات وتمشي مسكنة عاوزة تروح تنام بقى ولا حاجة عشان تيجي بكرة تقول طول الليل اعيط فاللي جاي يفتكرني اللي انا عاوز ايه؟ عاوز اكل. فيجب لي اكل. وانا اعيط اكتر لاني مش تحتاج. هيأكلك في وقت انت مش تحتاج تأكل - 00:24:29

وتبقى نفسك تأكل وهو مش فاهم فما يأكلتش قولوا كل الممرضين بيجهوا والدكاترة بيجهوا ما حدش فاهم انا عاوز ايه الوحيدة امي كانت تيجي تهرش لي بافایا من ورا لان السلك بتاع - 00:24:48

الحاجة دي كان في بقى لافف حوالين رقبتي فعامل حز. فعاوز حد يهرش لي الوحيدة امي اللي كانت فاهمة سبحان الله نعمة الهرش سهل الهرش ده في اخ بيقول كان ليه اخ حرم من الهرش كان بيأخذ ادوية اعراضها الجانبية بتعمل التهاب في اعصاب القدم والساقي 00:25:07 -

كانت رجله بتؤلمه كلما لمسها. كان نفسه يهرش بس مش عارف لان لو هرش هيتعبووا جدا جدا. تحس بالام رهيبة قل بعد فتره بدأ يهرش. ياه عما هرش وعرف يهرش - 00:25:38

فرح جدا وراح نازل ساجد وبكي ببكي على ايه انه هرش انا كنت في المستشفى في يوم من الايام بزور حد ومتابعه فالدكتور بعد ما خلص الحالة قال ايه هل من علامات نجاح العملية - 00:25:56

انه يخرج يخرج ريح ويخرج منه ريح كل شوية بقى خمس ست ساعات بتلالي الناس جاية تسأل. خرج منه ريح يقولوا لسه. اصبروا ان شاء الله خير ان شاء الله. خير ان شاء الله - 00:26:14

ومرة في يوم من الايام داخل انا المستشفى ولقيتهم فرحانين وبيحضنو بعض وبنات ايه اللي حصل؟ قال لك خرج منه ريح. ياه تشووف الحاجة ديت لو حصلت في زرف عادي الناس ممكن تحس بالاحراج والناس متضايقة - 00:26:29

وهنا الناس كلها قاعدين يدعوا ادعوا لبابا انه يخرج منه ريح. ادعوا لماما انه تخرج منها ريح يا على الانسان وضعف الانسان وهذا الانسان اما عرف يهرش سجد لله سبحانه وتعالى - 00:26:47

الناس اللي اتجبست عارفين الكلام ده كوييس بيقى تحتاج تهرش تحت الجبس او مش عارف تطول اي حاجة فتقعد بقى ترقص زي الصمدة كده عشان ايه استريح ومش عارف تستريح - 00:27:08

الاخ ده بيقول ان ابني مرض في يوم من الايام مرض جعله صامتا بيقول ابني مرض مرض خليها صامت ما بتكلمش حتى انه لا يبكي عارف ما بيبكيش وكان لا يتكلم الا نادرا - 00:27:21

والدته بدل ما كانت بتغير له خمسة بامبرز في اليوم اصبح اتنين بيقول فانا كنت كاي والد اتأفف من كسرة استخدام البامبرز وهي

بتنأفف من كسرة البكاء كاي ام بيقول في غمضة عين - 00:27:43

اصبح علامات الشفاء بتاعه انه يعيط ويعمل حمام فكنا نتمنى ان يبكي ابني وان يزعج امه كما كان يزعجها وانا اشتري له عدد لا محدود من البابمبارز سبحان الله بيحكى عن ثلاثة من اصدقائه من الاكيلة بيقول من اكتر الناس الاكيلة على وجه الارض - 00:28:02
تعرفنا على بعض في محل اكل خليجي بيقول لدرجة ان احنا طلبا مع بعض تيس كامل فيبيقول لك لك ان تتخيل بقى احنا كنا اكيل قد ايه بيقول التلاتة عملوا - 00:28:31

عمليات تكميم للمعدة تحويل مسار الكلام ده بيقولوا صاحبتهم اللي الامراض عفا الله عن الجميع فبدأوا بياكلوا لقمة من كل طبق او معلقة من كل صنف وفي يوم من الايام في واحد منهم قال لي كلمة غريبة جدا. ياه! الكلمة ديت طب ممكن كل يوم تعملها. لكن هي كانت طموح عالي - 00:28:46

قال له سبني اطلب كتير وكل انت. انا هطلب وانت تاكل. انا واحشني ان انا اقف اطلب عشرين سندوتش مشكل زي الاول مش مهم ان انا اكل بس نفسني اطلب - 00:29:10

يا رب شوفتوا احنا ممكن ناخد الكلام ده بهزار بس شف قد ايه التعب سلوا المحروميين من اكل الملح اعرف واحد كان عنده كبد وكان مدرس الفيزياء بتاعي رحمة الله عليه - 00:29:22

في يوم من الايام آآخدوه المستشفى وقعد تلات تيام السبب ان هو ممنوع من اكل حاجات معينة فخان اولاده كان جايب اكل. عم اولاده كان جايب اكل معين. خلاهم ناموا ودخل من وراهم واكل - 00:29:43

الاكل الممنوع منه ده فراح تلت تيام المستشفى في العناية شفت طب ايه الاكل اللي كان بياكله؟ الجبنة القرىش وحالات بقى اتنين تلاتة كده زيه. دي حياته. يصحى ينام هو ده التراك اللي هتعيش فيه - 00:30:04

فسلوا المحروميين من اكل الملح ايه شعورهم اسألوا المحروميين من السجود عن اغلى شيء نفسمهم يعملوه هيقولوا لكم نفسنا نسجد مرة واحدة بس. مرة واحدة بس المرض كسر ضهره نعمة الالم يا جماعة - 00:30:26

نعمه الالم مرة في برنامج جابوا فيه طفلة لا تشعر بالالم لا تشعر بالالم كمية المعاناة التي عانتها امها. ليه؟ عشان البنات ما تتعرضش لاي اصابة لان كل جسمها مهما هي تعرض للالم هي ما بتحسش به - 00:30:45

فحديعورها تختبط مش هتحس وكان كل جسمها مزرق من الخبطات كانوا بيلبسوها نضارة السباحة عشان يحافظوا على عينها عشان ايه ما يحصلش فيها حاجة. فشوفتوا بقى نعمة الالم اه يا ضوري اه تروح تكشف هيقول لك ده في مشكلة كده فيحلها لك - 00:31:12

لك بقى انك ما تتخيلش فكرروا في كل حاجة كده بتعملوها في حياتكم بتتعشروا معها بالملل. واحمدوا ربنا والله. لانكم ممكن جدا في يوم ما تعرفوش تعملوها وتتمنى انه لو بس تعرفوا تعاملوها مرة واحدة. نزول السلم - 00:31:33

في كنت مرافق لحد من الاقارب ليه في مرض وبعدين بعد ما عمل العملية ومروح وطالع السلم راح دنه يبكي طب قل له ما يبكيك؟ قال لي اول مرة اتكسر الكسرة دي - 00:31:54

انا عادي طول عمري بطلع عادي ياه انت ما تحسش بالكلام ده انت عادي بتطلع السلم عادي بتنزل السلم نزول السلم الاتوبيس التاكس انك تمسي في الشارع تمسي في الشارع النهاردة شايف واحد - 00:32:11

بيعدي الشارع بيعدى ببطء شديد الناحية الثانية انا عارف ان في طبيب بناع لوكيميا وكده ربنا يعافينا وهو بيعدى الطبيب. فالطريق كله وقف عشان الرجل ده بيعدى مع بنته ياه على البطء - 00:32:31

وياه على الانكسار اللي كان في عينه وهو حاسس ان هو عامل يعني ازي الناس لان هو بيعدى عطل طريق وانت ممكن كل اللي انت ايه تعلق عليه تقول ايه؟ الله يهدىها. ما كانت عدت الناحية الثانية. الله يهدىها. مكان التاكسي خلاها تلف - 00:32:50

انت والله الله يهدىك بعث لك الرسالة قدام عينك عشان تشوفها للأسف ما شفتهاش. فغالبا ه تكون انت الرسالة اللي الناس هتشوفها فنزول السلم ركوب الاتوبيس المشي في الشارع العرق ده يا جماعة نعمة - 00:33:10

التبول نعمة الهرش نعمة البكاء بصوت نعمة والله البامبرز نعمة احمدوا ربنا لو لو حرمكم منه هتتمنوا الطفل يستخدم بكل اموالكم
بامبرز لاجله انه ايه يشفيه الله الخلاصة احمدوا الله على النعم التي تتأففون من وجودها فقد تتأففون من زوالها - 00:33:29

واحدروا من مل النعمة اوعوا تملوا النعمة انما حواليك ممکن تملوها ما تحسوش بقيمتها باباكي مامتک اخواتک ان ربنا ساترك ان ربنا ساترك هي دي نعمة ياه وفي حاجة اکتر من کده - 00:33:58

واحد بقول له عملت ايه السنة دي حققتي السنة دي في دخلة الاية؟ السنة الهجرية. هو عنده کده تخطيط بيعمله كل سنة وبيمشي عليه وكده. بقول له ايه الاخبار في اعلى انجاز حققته فابتسم کده وقال لي اعلى انجاز انه ستريني - 00:34:23

بقول ان السنة دي اعدت بدون فضائح ياه شفتوا بقى ده بطل ده بطل عارف ايه فين الطموح الحقيقي فاوعوا تملوا النعمة زي الناس اللي ملوها او ما سبق - 00:34:41

لما قالوا ربنا بعد بين اسفارنا وظلموا انفسهم الاية دي يا جماعة روحوا اقرأوا في تفسيرها تستمتعوا فقالوا ربنا باعد بين اسفارنا عازين نستمتع کده بالتعب ربنا بيقول ايه؟ وظلموا انفسهم. ياه على ما ظلموا انفسهم. تحس ان فيه خطر سكينة حامية - 00:34:59

دخلت قطعت الاورطي وانت بتقرأ وظلموا انفسهم فجعلناهم احاديس خلاص بقوا حدوتة. تعالوا احكى لكم حدوتة قوم سبا
ومزقناهم كل ممزق او عى تمل لي النعمة لان النعمة لو سبتك قلما تعود اليك كما كانت - 00:35:24

نعمه ان يكون في لقاء علم ان في واحدة بتيسرك الطاعة ان في واحدة بتعيينك ان في واحد بيعدنك ان في في في نعمة لو
سابتك انت مسكين نعمة اللمس - 00:35:47

لو فقدت نعمة اللمس والاحساس تقدر تعرفي ان ابنك درجة الحرارة بتاعته عليت. هتعرفني ازاي ان انت مش بتحسي هتعرفني ازاي
انك قاعدة دلوقتي جنب آبراد مليان ماية غالية - 00:36:01

حسبي عشان كده مريض الج Zam بييفقد الاحساس بيكون كأنه تحت تخدير ما بيشعرش عشان كده كل المخاطر ممكن تدمره احد
الشباب في وقت كورونا ده بيحكي ان هو فقد نعمة الشم لمدة اسبوعين - 00:36:18

ولا انا كنت بحط اشد انواع العطور قوة عند ابني ولا اجد لها رائحة بيقول الغريب في الامر ان انا قمت بعمل تحليل ولم اجد عندي
اي شيء الامر جدا جدا - 00:36:37

لكن عندها تذكرت قيمة هذه النعمة. شوفوا بيقول ايه بقى التي لم اشكر الله عليها في حياتي مرة انت قلت لنفسي معايضاً كم انت
ظلوم جهول؟ بضع وثلاثون سنة لم تشكر ربك على نعمة الشم مرة واحدة في حياتك - 00:36:56

يا بقى لك خمسة وتلاتهين سنة قاعد عمال تشمسم مستمتع وما قلتلوش مرة شكرنا لك ان تخيل ان في دخان بيخرج من مكان ما
يكاد يحرقك وانت لا تشعر به. انك ما شمتش ريحه غاز في البيت - 00:37:20

تسربت وانت عندك كورونا في بيتك تقاد تهلك وانت ومن معك وانت لا تعلم طعام فاسد ضارب ريحته ضاربة تدركه بحسنة الشم
قبل ان تتزوجه ومع ذلك لا تستطيع. لو فقدت النعمة دي - 00:37:45

تاكل طعام ما تشمسم ريحته كان الطعام كله واحد عملت ايه بقى دي نعمة تانية اه طبعاً انا مش جاي اتكلم على ايه واعدد النعم لكن
كما قال المنعم وان تعدوا - 00:38:03

فمهما عديت مش هتحصي اخ بيحكي احد الدعاة قصة حفيدة راحت زارت جدتها عشان يحكي لك يعني ايه نعمة الانسان جول زات زيارة لجدتها العجوز في بيتها العجوز اللي بتسكنه وحدها - 00:38:23
الحافلة دي فزعت من فقر سخيف قفز بين قدميها البنت قاعدة مع ستها وفي فار عدى. عادي جدا ما فيش مشكلة جه بعض الناس دلوقتي بيقول لي عادي ده انا قمت مفروعة دلوقتي لما انت قلت - 00:38:42
افتكرت ان هو تحت رجلي فالجدة قالت لها ايه ده الكائن الوحيد اللي له حس هنا ياه يعني ايه الكلام ده يا جماعة اللي مش فاهمين تيتبة عاوزة تقول ايه بيقول تيتبة مأفورة - 00:39:02

ده يا جماعة الست دي فقدت الانس وعايشة مرارة الوحشة عشان كده حروف اللسان بتاعتها لا ما بترجمش ما يحس حلقتها من
غضص لو الداعي ده بيقول انا في غرفة اويت اليها مطاردا. بيحكي بقى يعني ايه الانس؟ بيقول كان النمل يجتمع على بقايا الخبر
وما اليه - 00:39:22

بيقول كان انا كنت قاعد في اوضة كده اضطربت اقعد فيها. كان في جنبي نمل بيقول لا اذكر ان قلبي قوي مرة على قتلها او خطر
عليه. على بالي ليه - 00:39:54

قال بل وجدتني على الليالي اوفر له الطعام وقد اجمع النمل من زوايا الغرفة بمنديل فاجعله في مكان الطاعة وقد اضع له بعض
السكر وارقب وارحب ما اكل منه وما بقى. ليه تعمل كده - 00:40:09

قال لم يكن صنيعي الى النمل باكرم من صنيعه الي ابني لا ازيد على تغذية جسمه الضئيل شيئاً وهو ان لم اطعمه انا اطعمه الله الذي
لا يضيع خلقه بسبب غيري - 00:40:28

اي بسبب غيري يعني. ليه بقى؟ لكنه كان يعمل عملاً جليلاً. ايه يا عم اللي كان بيعمله؟ كان يؤنس قلباً علم الله ما فاته من الانس فكان
يؤنس قلباً باحاديثه وحركته. فaina احق بالحمد ان كنتم مقدسين - 00:40:48

كده يا جماعة الناس اللي قاعدة تتزمر دي من اوضاعها دول لم يحسنوا ان يشكروا نعمة الله عليه عمل الشاق هو حلم كل عاطل
ابنك المزعج هو حلم كل عقيم - 00:41:16

بيتك الصغير هو حلم كل مشرد ما لك القليل هو حلم كل مدين عافيتك هي حلم كل مريض ابتسامتك هو حلم كل مفروم كل
مهمور وستر الله عليك هو حلم كل مفروم ومهموم - 00:41:37

اجعل الحمد والرضا منهاج الحياة وهجيرك وخليك عندك نعمة فن التحويل فن التحويل دي نعمة يا جماعة انك تشوف الحاجة حولها
الاخت شيماء سعد بتقول انا ارى ان احتياج غرفة المعيشة للكنز والتنظيف - 00:42:03

شوفوا التحويل عمل معها ايه احتياج لغرفة المعيشة للكنز والتنظيف يعني انا اجتمعنا فيها. اللهم ادم هذا الجمع تقول ان الغرفة
محاجة معنى كده ان كان في اجتماع هنا فبتقول اللهم ادم اجتماعنا - 00:42:39

وترتيب غرف الصغار يعني انهم في صحة جيدة دوماً اصحابه يا رب وان وقفه المطبخ يعني ان عندنا ما نطبخه فلا تقطع الخير منا
امين وبتقول ان امتلاء الحوض بالاطباق والاواني يعني انتا لم نبت جوعاً - 00:42:56

الحمد لله نسأل الله ان يديمها نعمة ويحفظها من الزوال وتنزيف غرفة استقبال الضيوف يعني ان ضيفاً شاركتنا الوقت واللقة اللهم
ازرع مزيداً من حبنا في قلوب خلقك فكل تعب بارجاعه الى اصله هو تجلی لنعمة - 00:43:21

عشان كده يا جماعة تعودوا انكم تثمنوا ما عندكم من النعم ادوها تمن احد السلف لقى واحد بيشكى فقال له ايه؟ ايسرك
انك اعمى ولك عشرة الاف درهم؟ قال لا - 00:43:47

ايسرك انك اخرس ولك عشرة الاف درهم؟ قال لا قال ايسرك انك اقطع الايدي والارجل ولك عشرة الاف؟ قال لا قال يسرك انك
مجنون ولك عشرة الاف؟ قال لا. قال له عليك عروض بالملايين واعطاك عروض بالملايين عندك ثم جئت - 00:44:11

لتشكوه وكان في واحد برضو متضايق وعنه زمرة كده يعني متضايق كل شوية يشكى. يقول فدخلت انا اسمعت في المنام من
يقول لي اتود ان انسيناك سورة الانعام ولك الف دينار - 00:44:37

يا ربي ده ما حدش هيفهمه الا اهل الشوق يقول له اتود انا انسيناك سورة الانعام ولك الف دينار قال لا قال انسيناك سورة هود ولك
الف دينار؟ قال لا - 00:45:02

قال انسيناك سورة يوسف ولك الف دينار؟ قال لا فقال معك قيمة مائة الف دينار وانت تشكوك والسماك لما كان قاعد مع هارون الرشيد
وبيتكلموا مع بعض فجهه يشرب هارون - 00:45:26

قال له لو منعت يا امير المؤمنين من هذه الشربة الشوربة دي اللي هتشربها دي شربة قطرة الماء دي لو منعت منها حتى تعطيهم
نصف ملك اكنت فاعلا؟ قال نعم - 00:45:51

قال اشرب هنئا مرينا فشرب فلما فرغ هارون الرشيد قال له ارأيت لو منعت منع خروج هذه الشربة قطرة الماء دي خلاص دخلت بطنك ومش عارف تطلعها الا بنصف ملك الساني. اكنت تخرجه؟ قال نعم - [00:46:08](#)

قال فما تصنع بشيء شربة ماء خير منه وفي رواية فاتق الله في ملك لا يساوي عندك قطرة ماء وبولة سبحان الله وطبعا هارون الرشيد ده مش واحد كان عنده حنة قد مصر يعني - [00:46:30](#)

لا يا جماعة هذا الرجل يعني كنز كزى القرنيين في الملك فتعودوا انكم تمنوا ما عندكم من النعم اختنا الشيماء تقول تعلمتن ان التنظيف خلف صغار البيت امر شاق. نعم - [00:46:52](#)

لكنه لن يكون اشق علي من مرض يمنعهم من صنع الفوضى. يا سلام التنظيف خلف الصغار صعب لكن اللي اصعب منه انه تلف عليهم من مرض عشان يشفو من مرض منعهم من صنع الفوضى - [00:47:13](#)

ان وفة المطبخ قد تؤلم الزهر لكن عدم امتلاك ما اطبخه سيؤلم روحني ان وفة حوض المطبخ قد تتتعب جسدي لكن نزافة الاطباق والاوانى ستؤلمني اذ لم تستخدمنا لايام. يا سلام! يعني ايه - [00:47:36](#)

عادى مطبخ جميل قوى وما فيش حد بيجي عندك لا في زوج ولا في عيال ولا في اي حاجة فانت هتتطبخى لمين ان وفة حوض المطبخ قد تتتعب جسمى. لكن نزافة الاطباق والاوانى ستؤلمنى - [00:47:59](#)

اذ لم تستخدمنا لايام تعلمتن ان البيت الذي لا يحتاج تزييفا وشغلها هو البيت الذي ليس فيه الانس واللمة تقول ان احدى جداتي كانت لا تتعب في تنظيف بيتها الا مرة كل اسبوعين - [00:48:15](#)

لانها كانت تعيش وحيدا الخلاصة يا سادة تسمين النعم اولى بالعد الشكور من تعداد الاتعاب التذمر هو نوع من الجحود للنعمه لا يحل ولا يستجلب الا الفقر واحسنوا دائم القراءة - [00:48:39](#)

بتقديرات الله عليك اليوم يوم جمعة ويشرع قراءة سورة الكهف. ففي سورة الكهف السفينه التي لو لم تسقب لسلبت فيبتلي الله بالصغيرة لينجي من الكبيرة والغلام الذي لو لم يقتل - [00:49:12](#)

الاشقى والديه ففي اخذ الله عطاء والجدار الذي لو لم يقم لضاع مال اليتيمين اي وفاء هذا يا رب الخلاصة مع كل ثقب وكل فقد وكل نعمة ردد اللهم صبرا على ما لم نحط به خبرا - [00:49:38](#)

عطيته اذا اعطي سرور وان اخذ الذي اعطي اثاب فاي النعمتين احق شكرها واحمد عند منقلب ايابا انعمته التي اهدت سرورا ام الاخرى التي اهدت ثوابه بل الاخرى وان نزلت بكره اعم لصابر فيه احتسابا - [00:50:06](#)

ابو حازم كان ليه كلمة حلوة اوي ذو النعمة نعمة الله فيما زوى عنى من الدنيا اعظم من نعمته علي فيما اعطاني منها اني رأيتها اعطاتها قوما فهلوكوا الناس دي رايقة اوي - [00:50:35](#)

ابو عبد الرحمن عبدالله ابن يزيد بيقول ايه؟ بيقول سمعت عبدالله بن عمرو بن العاص وسأله رجل فالراجل ده بيقول له ايه؟ السن من فقراء المهاجرين؟ يعني احنا من الفقراء اللي هيخشوا الجنة بقى قبل الاغنياء بسنوات كتيرة قوي - [00:51:01](#)

عبد الله بن عمرو بن العاص بيقول له ايه؟ الک امرأة تأوي اليها؟ قال نعم جميل الک مسكن تسكنه قال نعم قال انت من الاغنياء يا حاج انت من الاغنياء فقراء ايه دول - [00:51:17](#)

قرأت دولة لاقين سكن ولا لاقين زوجة راجلي لما قال له انت من الاغنياء؟ الراجل اتخض قال فان لي خادما. قال انت من الملوك؟ هذا في صحيح مسلم بقول له يا عم ده انت ملك يا عم - [00:51:34](#)

فقرائي الله يهديك سبحان الله وبسبب ان الكتير بيعد عينه ويقع في منشغل بامداد العين المنهي عنه لا تمدن عينيك قاعدة طول اليوم تبص على صاحبتها فقاعدة شايقاها لابسة حزاء جميل ده جابت كوتتش جميل ده لابسة حزاء اه شوفي يا ماما ده شوفي بخس انت طولت ما - [00:51:52](#)

مش عارف ايه ده عاملة ريجيم ده واكلة مش عارف ايه ده ده شكلها ده هيئتها احلى مني ده زوجها اجمل ده مش عارف ايه ده راكبين عربية ده جددوا مش عارف ايه - [00:52:19](#)

الضغط ده بيخلني الانسان ايه؟ يحصل له تسخط على ما معه قعدت تبص على الشهادات ودي ابنها جاب ايه وبنتها جاب ايه وزوجها
جاب لها ايه الحاجات ديت عشان كده سبحان الله - 00:52:30

انا قلت قبل كده الرجال ربنا امرهم بغض البصر. عشان هم ممكن بيبصوا على النساء طب والنساء؟ بيبصوا على النساء فهمما مأمورين
بغض البصر عن الرجال والنساء اكتر. بيبصوا لبعض اكتر - 00:52:45

سبحان الله المشكلة ان مع الحاجات دي وضغط السلطة سلطة السقافة الغالية الجماعة بقى بتاعت الطموح وتحقيق الزات ومش
عارف ايه وانت مش عارف سوبر ايه وبتاع والكلام البريطاني الهندي - 00:53:01

ده خلى الناس ما عادتش راضية على نفسها وبدأ يسأل سؤال انا عمري بيعدي وما عدش عندي انجازات. وحسبى الله ونعم الوكيل
في بابا في ماما في اخويا في زوجي. اللي - 00:53:16

حرمني من الانطلاق وكانت زمانى دلوقتى حفقت حاجات كتيرة قوي كنت هتحققى ايه في جناح البعوضة اللي احنا فيه ده كنت
هتعملنى ايه يعني كان جود زمنى دلوقتى يعني حاجة كبيرة قوي يعني على الاقل على الاقل كنت جبت حرف الدال وكانت كسرت
الدنيا وكانت وكانت وكانت - 00:53:31

فانا ما عملتش انجازات خارقة ادهم الشرقاوى بيرد عليك وبيرد عليك فبيقول ايه بقى بيقول ليست الانجازات هي فقط التي تدون
في كتب التاريخ ويتحدى عنها الناس ورسلا لم نقصهم عليك - 00:53:49

ففي رسول لم نقصهم عليك ربنا لم يقص ان ايه؟ رسول كتير على النبي صلى الله عليه وسلم فبيقول ايه؟ من قال ان علينا جميعا ان
نكون مخترعين او فقهاء او ادباء او ساسة او اثرياء او مشاهير حتى تكون من اصحاب الانجازات - 00:54:08

ركزوا في الكلام ده لانه احسبه كلام عميق وانا بقوله بالعافية فيعني عاوز اوقف الدرس بس خلاص بقى ايه اتدبست في الحلة دي
فاخلس الفقرة دي فبيقول يكفي ان يكون المرء انسانا فهذا بحد ذاته انجاز عظيم - 00:54:30

نحن ابطال يا صاحبى وان لم نقض الجيوش ونحقق النصر او نخترع دواء او نكتشف قانونا في الفيزياء او نعثر على مركب جديد
في الكيمياء او نضع قاعدة في الرياضيات في الرياضيات - 00:54:53

او بحرا جديدا من بحور الشعر او نفوز بجائزة نobel نحن ابطال رکزوا بقى في الكلام العالى ده حين نجاهد انفسنا كل يوم كي لا
نعصي الله سبحانه وتعالى وابطال حين نعصيه فنعود اليه مستغفرين مكسورين - 00:55:09

نحن ابطال حين نجبر خواطر الناس وحين نختار مفرداتنا بدقة غير كي لا نؤذى احدا يعني احنا نختار كلماتنا بدقة دي بطل بطولة
نحن ابطال حين نمر بالبائع المتجلول المسكين فنشتري منه - 00:55:31

ونتغاضى في السعر قليلا ونحسب هذه الصفة صدقة خفية نحن نصل الى اخر الشهر بمرتباتنا الهزيلة ونستر فقرنا عن
الناس نحن ابطال حين نرمي اولادنا كي يخافوا الله - 00:55:54

ونلاحفهم على حفظ جزء عمءة كما نلاحفهم على حفظ جدول الضرب نحن ابطال يا صاحبى. حين نبر اباءنا وامهاتنا وحين نحسن الى
جيراننا ونساعد زوجاتنا ونصل ارحامنا. نحن ابطال حين نجاهد على مقاعد الدراسة ونقتلع رغيف الخبز لاولادنا من الصخر -
00:56:19

دون في خانة انجازاتك يا صاحبى. قيامك لصلاح الفجر دون ايضا امساكك بيد احبائك رغم كل شيء فمن اعطاك قلبك فقد ائتمنك
عليه والله يحب ان تؤدوا الامانات الى اهلها - 00:56:47

دون في خانة انجازاتك تلك اللحظة التي فرحت فيها بنجاح غيرك فهذا يعني ان لك قلبا طيبا ودون ايضا دعاءك بالبركة لكل صاحب
نعمه فهذا يعني انك تربيت جيدا ورضيت بقسمة الله - 00:57:11

دون في خانة انجازاتك كل دمعة مساحتها لمحزون وكل كلمة حلوة قلتها لمجروح وكل تربية او كل تربيبة ربطتها على
كتف مكسور دون في خانة انجازاتك غيرة احرقتك فكتمتها - 00:57:34

كي لا تفلت يدك في منتصف الطريق والسلام لقلبك ولزا نصحت كلام جميل انك تنكسر دايما لله وانك دايما ما تنشغلش بايه فهم

عملوا ايه واحنا عملنا ايه وهم وصلوا فين - 00:58:05

فلا شيء احب لله من انكسار عبده بين يديه. فانكسر له يأتيك الجبر كل يوم بين السجدين بتقول له واجبني. ليه واجبني بانك بتتكسر يوميا كتير فمحتاج حد يجبرك ناده بانكسار اخوه يوسف - 00:58:26

يا ايها العزيز مسنا واهلنا الضر وجئنا ببضاعة مزاجة فاوف لنا الكيل وتصدق علينا ان الله يجزي المتصدقين. فاذا اردت ان تعز فعليك ان تذل نفسك لله تأمل يا ايها العزيز - 00:58:49

جميل ان تتذكر انه رحيم ولكن تذكر اولا انه قادر كيف امر الارض ان تتفجر عيون نصرة لنوح عليه السلام فتفجرت كيف امر العصا ان تصير حية فصارت كيف امر الجيل ان يصير ذل ذلة - 00:59:12

وظلل وكيف امر البحر ان ينشق ويصير طريقا بيضا فكان كيف امر النار الا تحرق فمات لهبها وكيف امر السكين الا تذبح فذهبت حدتها وكيف امر الحوت الا يهضم فتعطلت شراسته - 00:59:35

هذا هو العزيز اللي هتنادي عليه وتقول له يا ايها العزيز هذا هو العزيز الذي ينبغي عليك ان تدعوه وهو القادر كسيرا ودائما وابدا تأمل مسنا واهلنا الضر عندما تشكو للناس - 00:59:59

فلن تعال الا مشاعر التعاطف في احسن الاحوال. ونظرات الشفقة في اسوأها لكنك حين تشكوا الى الله حين تأتيه مكسور الجناحين ترجع محلقا وحين تأتيه مكسور الخاطر ترجع مجبورا وحين تأتيه مكسور القلب - 01:00:22

ترجع وربما فبت شكوك الى ربك واستعمل معه اخلاق الاطفال فان الطفل اذا اراد شيئا بكى حتى يأخذها ابكي بين يدي ربك. تسول على بابه تسول الفقير الذي لا يجد لقمة - 01:00:50

تمرغ بين يديه تمرغ تمرغ الموجوع على باب المستشفيات. ان الله يحب ان يسأل تأمل وجئنا ببضاعة مسجاة. اياك ان تنظر بعين العجب الى طاعتك. انظر اليها نظرة العبد المقصى - 01:01:10

علم من الملائكة ادب العبادة فما من موضع شبر في السماء الا فيه ملك راكع او قائم او ساجد وقيل في الاسر الذي حسن اسناده ابن كثير انهم يبعثون يوم القيمة يقولون سبحانه - 01:01:31

ما عبدناك حق عبادتك يا صاحبي حين تشعر بالتقدير في العبادة ارجو انها مقبولة ان شاء الله وحين تنظر اليها بعين الكمال المتمدن على الله فاعلم انها مردودة عليك. عبادتنا ببضاعة مزجة رثة - 01:01:49

وانما يقبلها الله منا تكرما وتفضلا علينا وما استقام عبد لله بقوته ولكن الله اصطفاه ومن صرف احد عن باب الله بخاطره ولكن الله استغنى فاحمد ربك على الاصطفاء فانك تحتاجه ولا يحتاجك. انت الفقير اليه - 01:02:15

فاوف لنا الكيل يا صاحبي. سل الله القبول ورب قائم ليس له من قيامه الا النصب والتعب. ورب صائم ليس له من صيامه الا الجوع والعطش ولن يدخل احد الجنة بعمله الا ان يتغمدنا الله برحمته - 01:02:45

وتصدق علينا يا صاحبي هكذا سؤال الفقير الذي يعرف انه ليس له عند الغني الذي يسأله ضربة لازم عندما يستعطفه ويررق قلبه عليه وليكن هذا سؤالك لربك. سؤالي الذي يطلب المنة ويعرف انه ليس له على ربه شيء - 01:03:06

انما يسأل من اذا حرمه لم يزلمه شوفوا يا جماعة وانت بتدعوي ربنا كده فاي نعمة مفقودة مستحضر المعنى ده انت تسؤال الذي اذا حرركم لم يظلمك. ياه عما تنطلق من النقطة دي - 01:03:29

تسأل الذي اذا اعطاك فقد تكرم وتحنن عليك الخلاصة بلاء يجعلك تقبل على الله بقلبك وجوارحك خير من نعمة تطفيك ولعله اراد ان يعطيك فمنعك. ومتي افتح لك باب الفهم في المنع فقد اجتباك - 01:03:50

فنسأل الله ان يرزقنا شكر النعمة اختتم بما بدأت به نحن كل يوم يمر علينا ليس يوم عادي ولكن ابليس جعله عندنا يوم عادي لا ليس يوم عادي كل يوم بيمر علينا مش عادي - 01:04:16

ده احنا في عطاءات مدهشة ومش عارفين نشكر ازاي ايماني نعمة. هشكروه ازاي حرم منها الكثير وما اكثر الناس ولو حرصت بمؤمنين الصلاة نعمة اتحرر منها كتير لاذكار نعمة اتحرر منها كتير. القرآن نعمة - 01:04:45

فالصوم نعمة الحج نعمة الزكاة نعمة. ان يحبب اليك الايمان نعمة ان يكره لك الكفر والفسوق والعصيان نعمة كل النعم دي بل من النعمة انك تشكره ورؤوس النعم ثلاثة الاسلام ان لا تتم النعمة الا بها. اي نعمة معك بدون الاسلام لم تأخذ تمام النعمة - 01:05:09
والعاافية لانه لا تطيب الحياة الا بها. والغنى لا يتم العيش الا به ملمسك ملمسك الطعام بتاعك الشراب بتاعك من اين يؤتى به؟ ربما يؤتى به من اماكن لا تلبس - 01:05:39

نجيب اللبس بتاعك والاكل بتاعك من ناس مش معها فلوس تشتريه تبيع بس سبحان الله احد الحكماء بيقول لاخوه يا اخي فقد اصبح بنا من نعم الله ما لا نحصيه مع كثرة ما نعصيه. فما تدري ايهم نشكر؟ جميل ما ظهر ام قبيح ما ستر - 01:05:56
سبحان الله! كم من الملابس اللي بيمنتلي بها الدولاب بتاعكم دلوقتي كم مرة في العام بتروح تشتري كم من النعم في بيوتنا بتنزل لغاية ما تتلف واسيق عليكم نعمه ظاهرة وباطنة. الظاهرة كل ما ظهر. والباطنة كل ما هي - 01:06:20
عشان كده يوم القيمة اول ما يسأل عليه العبد من النعم الم نصح جسمك ونرويك من الماء البارد مش كان جسمك كوييس كده و كنت بتاكل وبتشرب مين فيكم في يوم من الايام وهو ساجد قال له يا رب انا بشكرك على نعمة انك مدیني عقل - 01:06:43
يا سلام وانه بيديك عقل راجح سبحان الله نعمة الحرية انك تقوم كده وتتحرك الهيئة بتاعتك شكلك ده تشوف شكلك دارى وربنا غيره وانت ماشي في الشارع لو عاوز تدخل الحمام ياه موالي كبير هم كبير - 01:07:04

شكرت نعمة الله ان عندك حمام في البيت نعمة الهدایة يا جماعة والله يا اهل هذه النعمة لو توسدوا التراب وافتشروا الحصى وناموا على الجمر ما شкроوا نعمة الله عليهم - 01:07:31
انه يكون هاديهم نسأل الله ان يرزقنا واياكم حسن العمل وحسن الخلق وحسن الختام. اقول قولي هذا واستغفر الله لي ولكم - 01:07:50